



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DEr Kirchenkalen=||der/

Canisius, Petrus

Dilingen, 1599

VD16 M 1284

30 g Dauid Künig vnd Prophet.

urn:nbn:de:hbz:466:1-41449

Durch disen Nathan / offenbaret G O T T dem König
David vil vnd grosse gehaimnuß.

Item der heyligen / Edlen / Römischen Frauwen
Melanie / so ein Tochter des Römischen Burgermai-
sters Marcelli war. Als ihri Mann starb / schiffet sie gen
Jerusalem / leuchtet mit grossen Tugenten vnd Demü-
tigkeit: besücht erslich die H. Väter in der Wüsten/
vnd mitthailet ihnen von ihren Gütern / hatet auch zu
Jerusalem ein Kloster / vnnnd setzt darein 50. Junck-
frauwen / versah sie / auch andere Priester vnnnd Geistli-
che Personen nach noturfft / dienet G O T T in solchen
guten Werken 27. Jar / vnnnd verschid seliglichen im
49. Jar ihres alters.

Anno Dñs
370.

g iii. Calend. Ianuarij.

Der XXX. Tag im Christmonat.

SU B Spoleto ist heut der Geburtstag der heyligen
Marterer Sabini des Bischoffs / Exuperantii vnd
Marcelli der Diaconen / auch Venustiani vnd sei-
nes Weibs / mit zweyen Söhnen. Sabinus war ein
Bischoff zu Ahsio / in Göttlicher Lehrfass fürtreflich/
vnd wolberedt / der mit seinen zweyen Diaconen Exupe-
rantio vnd Marcellio / auch vil andern frommen Chri-
stien / von Venustiano dem Haidnischen Landvfege
in Euscia gesangen worden.

Als er er nun das gegenwärtig Abgöttisch Bild
Jouis zerbrach / ließ ihm Venustianus die händ abhau-
wen / auch Marcellum vnnnd Exuperantium in seinem
anschauen / an ein Rham aufhängen / mit Kolben
schlagen / ihre Seyten mit haken reissen / vnnnd Fewr
dar-

December

128
daran halten / bey welcher Pein vnnd Marter sie bayde
ihren Gaist in bekanninuß des HErren auffgaben: ihre
Leiber aber / als sie in ein Wasser geworffen / seind von
einem Fischer heraus zogen/vnd begraben worden. Nun
Sabinus ward auch ins Gefengnuß gelege / macht
den blinden Priscianum sehend / beköhret zu Christovit
Volcks / ja auch seinen Richter Venustianum / welli-
chen er von schmerzen der Augen erlediget / mit sampt
seinem Weib vnnd zweyen Söhnen / welche alle beide
ihren Glauben öffentlich bekannten / vnd auf befelch
des Abgöttischen Kaysers Maximiani die Marter
Anno Dni 300. kron erlanget haben. Sabinus aber ward in die Städte
Spoleto geführt / vnd so lang mit Bleystecken geschla-
gen / bis er seinen Gaist auffgab. Sein Leib ward von
der Ehrwürdigen Frauen Serena / die auch zuvor sei-
ne abgehackte Händ aufgehaben / ehrwürdiglich be-
graben.

Item zu Alexandria des heyligen Marterers Man-
sueti / vnd anderer zehn Mitgesellen.

Item in Apulia / des heyligen Canensischen Bis-
choffs vnd Marterers Liberalis / welcher eines Rö-
misichen Rathsheren Sohn war. Da sein Vatter
starb / ward er von seiner Christlichen Mutter Euau-
thia einem Bischoff in Lehrl und Unterweysung besol-
hen / leuchtet mit vilen Wunderzäichen / vnd zum Bis-
choff gemachi / verichtet er sein Amt fleißig. Bekh-
ret auch zum Glauben den Grafen Felicem / der ihn
auf befelch des Kaysers Hadriani sahen solt / vnd als
er mit ihm gen Rom zum Kayser kam / überwand er
durch Gottes krafft ein gläzend eysen Béth / ein glüen-
den Ross / ein Bratpfannen voll siedens Öl vnd Faisst
vnd ein schwigen Osen. Als solliche wunder sahe der
Haid-

Haidnisch Statuogt Cerberus / glaubet er auch an Christum / vnd zum warzaichen seines Glaubens / in denselben ofen geworffen / blib er vor allem schaden vnd verlezung frey / strect et auch seinen Kopff hersfür / vnd lich sich vmb Christi willen gern enthaupten. Liberalis aber nach dem er inn ein Gesencknuß gelegt / blib er vonn den Löwen vnuerleze / dardurch vil volcs beföre / vñ er endlich auch enthaupt ward. Als sein Mütter auff seinen Anno Dñi blossen Leib fiel / wainet sie / vnd ward auch alß bald gesangen / vnd zugleich auch enthauptet.

Item in der Insel Dia der H. Florentij/Sereni/ Pauli/Stephani/Papiani/vnd Cleti.

Item zu Turon des H. Bischoffs vnd Beichtigers Perpetui / welcher oben am 8. tag Aprilis gesekt ist.

Item zu Rom des H. Bapsts Felicis des dritten / von welchem oben am 16. tag Herbstmonats / oder als eiliche andere wollen / des vierzen / von welchem am 12. tag Weinmonats.

Item die Erhebung des H. Apostels Jacobi des grössern. Als er in Compostella ankommen / vnd durch wunderbarliche krafft Gottes / nicht allein die Spanier / sonder auch die weytabwesende / zu hailsamer besuchung seines Leibs vnd Grabs bewögt hat. ;

A Pridie Calendas Ianuarij.

Der XXXI. Tag im Christmon.

Zu Rom ist heut der Geburstag des H. treflichen Bapsts Sylvestri des ersten / eines gebornen Römers vnd gnadereichen Bapsts / welcher nicht allein